

Cib nyied mauxdan hai
Rang doh gai doh luengq
Va dwg sim raeuz muengh
Yied hwngvuengh yied gyaeu

Coux cib nyied it hauh
Ngoenzseng laux guek raeuz
Va cang Baekging gyaeu
Caemhcaez daeuj goenghoh

Bi it gouj seiq gouj
Guek raeuz couh gaijfang
Docih Gungcanjdangj
Bang raeuz caux ngoenz ndei

Ngeix dauq haj cien bi
Cunghvaz ndi(nde) ronghsag
Vwnzmingz youh maenh'ak
Gak cuz gyonj baenz biengz

Cib gouj sigij daeuj
Guek ngaiz saeuh(dub) nyieg lai

Guekgya Bienq Fouqgiengz

国家变富强

□ Suh Dasingh/苏大星

Dangsaeq youh fujbai
Haih beksingq hojgungz

Ngeihcib sigij co
Cunghgoz bongj rumz laux
Swnh Cunghsanh hai bauq
Boek Cinghcauz roengzdaiz

Luzgouhgyauz saeh hwnj
Fangz Yizbwnj daeuj ciemq
Guekgya ngaiz gvej iem
Ciemq dwk yaek miedmuengz

Gungcanjdangj hwnjdaeuj
Saeuh(hoenx) de bet aen bi
Yinzminz ndaej swngli
Yizbwnj gvih gingzfwngz

Ndaw guek fanjdungbai
Caiq hwng rumz guh langh
Siengj mied Gungcanjdangj
Gag dangsaeq ceih biengz

Gungcanjdangj yinghmingz
Hoenx hingz fanjdungbai

Cawz raeg gij vunzvaih
Yinx raeuz byaij baenaj

Yinzminz ndaej guhcawj
Caezgya dawz gya dang
Beksingq diegvih sang
Angqyangz gvaq saedceij

Gensez guekgya raeuz
Caezgya daeuj doxbang
Byaij baecoh siujganh
Baihnaj gvangq youh rongh

Laeb guek roekseiq nienz
Guekgya bienq fouqgiengz
Ginghci hwnj mbaek sang
Bang seiqgyaiq okrengz

Siengjmuengh Cungguek raeuz
Saedyienh gyaeu lumj veh
Minzczuz fukhwng le
Cunghvaz mbe ronghsag

Beijyoux Guh Doxhuh Aeu Liu Byaeu Vax

换工打柴火烧砖瓦情歌

□ Fangh Swlunz/方仕伦

(ciep geiz gonq)

Sai: Byaij soengz mbouj gaij singq dap coh,
Singq gou riengz boh heuh Veiz Giengz;
Mbanj gou youq baihlaj Byadiengz,
Gou couh ngaeq riengz mwngz hu nuengx.

Maengx mwngz boux vunz lumj goging,
Gou dan rox ning liugo'ngox;
Byaij soengz mbouj gaij singq dap coh,
Singq gou riengz boh heuh Veiz Giengz.

Mwngz nuengx aennaj maeq youh oiq,
Gou yax mbouj boiq ndaej song cingz;
Mbanj gou youq baihlaj Byadiengz,
Gou couh ngaeq riengz mwngz hu nuengx.

Mbwk: Seizneix ndawndoeng lai goging,
Go'ngox mwngz ning guhmaz raeuh,
Mwngz gip govaeng ndek gohaeux;
Couh lumj va'ngaeux cap haexvaiz.

Daengz mbanj Byadiengz raeuz ndeiangq,
Faenz liu raeuz nyangq lumj doq mbin;
Seizneix ndawndoeng lai goging,

Go'ngox mwngz ning guhmaz raeuh.

Vunz ndaem go'gyaj naz henz daemz,
Go'ngox byawz ndaem baiz go'gyaeuq;
Mwngz gip govaeng ndek gohaeux,
Couh lumj va'ngaeux cap haexvaiz.

Sai: Gou rox goging byauh youh sang,
Danhseih de cangz ndaw gyaz(caz) laux;
Seiqhenz miz gaeu lanz baedauq,
Mbouj hawj beg lauq aen goengrengz.

Bouxlawz mbouj gyaez dahsau gyangh
(gyaeunde),
Bouxbox siengj lamx nanz caenx ndang;
Gou rox goging byauh youh sang,
Danhseih de cangz ndaw gyaz laux.

Lwgmak ndeigwn venj congh sang,
Duzvej song gyangz mbouj gamj auq;
Seiqhenz miz gaeu lanz baedauq,
Mbouj hawj beg lauq aen goengrengz.
(caengz sat)



□ Siz Caizyij/石才以

Ndwenndwen cungj guh ciet
Gozging ciet ceiq hoengh
Hawfwen noengq youh noengq
Fwenhaenh soengq dangj raeuz

Vaiz dajcae dwgrengz
Baenzngoenz deng bien fad
Bouxhoj ranz gungzgaed
Haeuxgwn naed mbouj raen

Haemh laep caj ronghndwen
Fwn'oemq dwen daengngoenz
Ngeix haemzhoj ndang saenz
Muengh ngoenzndei darongh

Daengngoenz baihdoeng hwnj
Ciuq ndaej gwnzbiengz rongh
Dangj lumj daengngoenz ndongq
Daiq raeuz bongh ngoenzndei

Makgam maij gaiqreih
Byaleix gyaez aendaemz
Lwgminz duet ngoenzhaemz
Laemx sim riengz dangj byaij

Angqhoh ciet gozging
Lwgminz angq ciengq go
Ndawbiengz dujva o
Guekcoj engq fouqgiengz

17、Baij Ndei Vut Yaez Mbefat Nungzyez

Lai bi daeuj, Swcigih dangjveij
youq mbefat nungzyez fuengmienh,
itcig ngeixyaeng caeuq damqra dwk:
Dauqdaej Guengjsae miz fuengmienh
lawz ak, miz fuengmienh lawz yaez,
guhlawz ciuq gij cingzgvang mbouj
doengz gak dieg bae ceidingh fuengfap
habngamj, baij ndei vut yaez, youh
ndaej gaijndei gwndaenj vunzlai, youh
ndaej guh engq lai gung'yen hawj
guekgya.

Veiz Gozcingh caeuq goengdaeuz
wnq gih dangjveij byaij doh gak digih,
si caeuq dingzlai yienh ndaw swcigih,
ca mbouj lai liujgaij liux gij cingzgvang
Guengjsae. Gij diuzgen swhyenz
Guengjsae miz song aen daegdiemj
yienhda: It dwg dingzlai dieg dwg
diegyayezdai, mbwn raeuj, fwn cuk,
haeux ndaej ndaem lai miuz, seiqgeiq
baenzheu; ngeih dwg diegbya lai,

goengqbya ngutngeu, aenndoi baizled.
Song aen daegdiemj neix, gig hab
ndaem doenghgogai, gofaex caeuq
ciengx doihduz.

Guengjsae daihgaiq miz 2000 lai
cungj yenzliu gunghyez, goyw,
liengzyouz moegbonj daengj doxgaiq
ndoengfaex canj haenx, ndawde
mboujnoix huq youq ndawguek
rogguek cungj miz itdingh hawciengz.
Youzgyaeuq, youzcaz, soengyieng,

batgak, youzveizyiengh, nyawhgveiq
daengj, gig miz mbefat cenzliz.

Dieg hab ndaem faex haenx gig
gvangq, gofaex youh maj ndaej vaiq.
Gij gofaex haenx itbuen 15 bi cix
baenzcaiz, go'gyaeuq ndaem 5-6 bi le
cix baenzaen, gocazyouz ndaem ndaej
7-8 bi le cix ndaej sou, gocuk ndaem
ndaem 3-5 bi le cix ndaej raemj
daihbjai.

Gij dieg nywjbya gig gvangq,

seiqgeiq cungj miz nywj, baenzbi ndaej
ciengx doihduz. Ciengx duzvaiz,
duzcwz, duzmax, duzyiengz daengj
doihduz gwn nywj haenx, roengzngaenz
siuj, sairengz noix, souhaeuj laux.

Dienheiq Guengjsae hab ndaem
gooij, guh cangjdangz geiz caq youh
raez, ndaej cungfaen fazveih gij
naengzlig swnghcanj sezbi haenx.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz